

Fida Nyamesemka: Dzifuu 1, 2014.  
(Friday sermon – 1<sup>st</sup> August 2014 – Fante Translation)

## **ENYIMGUASE NTUNHYEDO A WƆYEE NO** **WƆ GUJRANWALA.**

‘Meka ɔsor no a ɔwɔ nworaba aboransan no,

Na Meka Bɔhye Da no,

Meka dasedzifo no nye nyia woedzi noho dase no,

Mpaama nka Amona Nkorɔfo no-

Ogya no a wɔdze akuadze ahye mu-

Ber a nna wɔtse ho no,

Na wodzii dza wɔdze yee agyedzifo no ho dase,

Na wɔanntan hɔn wɔ biribiara ho gyede wɔgye Allah, Otumfo No a Ɔfata ayeyi No dzi ntsi,

Nyia sor nye asaase no mu ahendzi ye Ne dze; na Allah ye Ɔdasedzinyi wɔ adze nyinara do.

Nkorɔfo a wɔtsetsee agyedzifo mbanyin nye agyedzifo mbasiafo no, na afei woennya nnuho no, osi pi dza ɔwɔ hɔ ma hɔn nye Ogya Amandzehu asotwe no, na ɔhyew asotwe no wɔ hɔ ma hɔn.

Mbom nkorɔfo no a wɔgye dzi na wɔye ndwumapa no benya Aheman Ture no a esutsen nam mu no. Ɔno nye nkunyimdzi kese no (85:2-12)

Hadhrat Khalifatul Masih kaa de dem Kuran nyiyimu yi da no edzi pefee ndzeyee a wɔreye tsia Ahmadiyyafo wɔ Gujranwala. Iyi ye dasedzi a ɔkyere Ahmadiyya Kuw no nye Anohoba Mesia (ANN) no nokwardzi de se Muslimnyi biara a n’adwen mu da hɔ dwen Surah Al Buruj yie a, nokwarsem a ɔwɔ atsetsee a wɔretsetsee Ahmadiyyafo no beda no ho edzi akyere no. Wobohu nsunsuando a hɔn banodzifo, amanyefo nye aban no ndzeyee dze nam wɔ iyi ho na wɔbɛgye Anohoba Mesia (ANN) no nokwardzi no edzi na wɔnnkɛfa hɔnho ahye dem ayekayekadze yi mu. Mbom, de mbrɛ obi betse Nyankopɔn Ne Nsem ase no, onyia no behia obi a Nyankopɔn asoma no na Ɔdze edwuma ahye ne nsa; na wɔnngye iyi nnto mu koraa na wɔye ɔyɛtrado wɔ ewurkasem mu.

Ɔrema nkyeremu ketsewaabi wɔ dem nyiyimu yi ho no, Huzoor kaa de “sor a ɔwɔ aboransan no” wɔ dem nyiyimu no mu no nye nworaba anaa wiadze duebien a abɔdzeho nyansape a wɔhwehwe nworaba mu da no edzi kyere hen. Mbom, wɔ iyi mu no ɔkyere sunsum mu na ne nkyereasee ara nye de Islam ne sunsum mu akyerekyerɛfo (Mujaddids) duebien a wɔmaa Islam kan no wɔ ber a nna ne wi no atɔ. Hadith kyere dem mber yi. Ɔye nwanwa de Muslimfo gye dem akyerekyerɛfo duebien (Mujaddids) a wopuei wɔ awo ntoatoado duebien (Twelve centuries) a wɔdze kan beree Islam wɔ ber a nna Islam rehyiren no dzi, na mbom ber a ɔkyere “Na Meka Bɔhye Da no” a ɔye bɔhye a ɔkyere Anohoba Mesia (ANN) ne mbae wɔ awo ntoatoada duebiosa no mu no na wɔaba no, wɔnngye no nndzi. Nkɔmhyenyi Krɔnkrɔn (NNN) dza ɔkaa faa hɔn a wodzii enyim no ho ara nye de wɔ awo ntoatoado biara n’ewiei no, kyerekyerɛnyi bopuei na mbom Kuran Krɔnkrɔn no kasa fa Onyia no a Wɔahye no ho bɔ no ho soronko na Nkɔmhyenyi Krɔnkrɔn (NNN) no so maa nsɛnkyeredze ahorow a

ɔ̀bɛkyerɛ ne mbae no a no mu bi nye bosom a ɔ̀bɛkyer ewia nye ewia a ɔ̀bɛkyer bosom wɔ̀ Ramadan bosoom no mu enye dza ɔ̀keka ho. Na dem nkɔ̀mhyɛ yi nyinara aba mu a ɔ̀da edzi pefee, naaso wɔ̀nngye no nndzi. Ne mbae n'ekyir besi siesiara, wɔ̀hyɛɛ ase dɛ wonnhia Onyia no a wɔ̀ahyɛ noho bɔ̀ no. Iyi aba dem osiande Maulwi nye hɔ̀n wɔ̀frɛ hɔ̀nho som mu nyimdziifo bɔ̀hwer hɔ̀n nyamesemka adaka (pulpit) na hɔ̀n nyimdzii nye adwen a no mu nndɔ̀ no beda edzi.

Anohoba Mesia (ANN)no kaa dɛ: 'Oye asem a ɔ̀ye nwanwa na mohun no dɛ ɔ̀ye Nyankopɔ̀n Ne nsenkyeredze dɛ Hijrah n'ekyir mfe 1290 pɛpɛɛpɛ ahobrasenyi yi nye Nyankopɔ̀n enya nkitsahodzi'. Mber kakra ekyir no Anohoba Mesia (ANN) no dze ne nsem too guan a sor na asaase nsenkyeredze bae behyɛɛ ne nokwardzi ma. Ebotum ehu eyi no mu mpensempensem wɔ̀ hen Jama'at mbuukuu mu nye Anohoba Mesia (ANN) no ne mbuukuu mu. Ne tsiatsia ara nye dɛ, Sunsum mu mboa dze ho dase dɛ dem mber yi nye Anohoba Mesia (ANN) no ne mber. Nyankopɔ̀n aka dɛ Islam ne nsɔ̀ree bio mu no besi wɔ̀ dem mber yi do ɔ̀anma nokwar egyedzifo a wɔ̀bɛgye no edzi no na wɔ̀bɔ̀bɔ̀ afar akese.

Wɔ̀aka no dɛ: '...Mpama nka amona mu nkorɔ̀fo no- gya a wɔ̀dze fangow egu mu no- mber a wɔ̀tsena ho no, na wɔ̀yɛɛ adansedzi dze ma dzaa wɔ̀dze yɛɛ gyedzifo no...'Iyi kyere hen etsiafo no mbrɛ osi a wɔ̀besi etsia hen. Naaso mbrɛ ɔ̀tse biara no, hɔ̀n ewiei no beye basaa na wɔ̀bɛsɛɛ hɔ̀n. Nokwar gyedzifo no wɔ̀dɛ wogyina pintsinn wɔ̀ atsetsee ano mber tsenntsen. Anohoba Mesia (ANN) no kaa dɛ Islam ne mpuntu no hwewɛ biribi fi hen hɔ̀ na dza ɔ̀hwewɛ no nye hen nkwa!

Kyɛfa a ɔ̀wɔ̀ sor no ma yetse ase wɔ̀bɔ̀sɔ̀ gya a n'ano yɛdzen na wɔ̀bɔ̀kɔ̀do dze fangow egu mu na hɔ̀n a wɔ̀beyɛ dzaa ɔ̀tse dem no begyina na wɔ̀ahwɛ; wɔ̀botwa egyedzifo no hɔ̀nho ehya na wɔ̀asɔ̀sɔ̀ gya no, egyedzifo no wɔ̀dɛ wogyina yaw a ɔ̀tsedem yi ano naaso ewiei no nkorɔ̀fo a wɔ̀ayɛ hɔ̀n adwen woetwa egyedzifo no hɔ̀nho ehya no hɔ̀n ara mbom na wɔ̀bɛsɛɛ. Yehun no wɔ̀ Pakistan, polisfo no dze hɔ̀nho hyɛɛ atsetsee no mu na hɔ̀n a wɔ̀sɔ̀ gya na wonyaa enyigye dɛ wɔ̀rehyew egyedzifo no. Iyi mu na nkɔ̀mhyɛ wɔ̀ dɛ dem na gyedzifo no hɔ̀n etsiafo no bɔ̀sɔ̀ gya na woetwa hɔ̀nho ehya na iyi yɛ ngyinado dɛ yɛyɛ nokwar gyedzifo na iyi ma hen etsiafo no kɔ̀ka nkorɔ̀fo a wɔ̀sɔ̀ gya dze hyew egyedzifo no, wɔ̀twa hɔ̀nho hyia na hɔ̀n enyi gye dzaa wɔ̀ayɛ noho. Gujaranwala asem no ne nkyeremu ma yehu dɛ wɔ̀kaa mbaa na mbɔ̀fra dubiako wɔ̀ dan kor mu na wɔ̀sɔ̀ gya na wowiei no wodzii nkorɔ̀fo a wɔ̀hyɛ dan no mu no hɔ̀nho fɛw na wɔ̀hyɛɛ ase bobɔ̀ hɔ̀nho huendzin dɛ wonnkotum epue efir dan no mu. Asem yi ho sen ma yehu no pefee wɔ̀ etuatsewfo no hɔ̀n enyim dɛ wonnyi fɛr biara na hɔ̀n huendzin no so kyere dem ara. Iyi nye penpendo a hɔ̀n enyitan no kodur. Ekyir no, Maulawi bi a ɔ̀wɔ̀ mpatamu hɔ̀ no so ahyɛ bɔ̀ dɛ wɔ̀beyɛ dza ɔ̀sen dem na nkorɔ̀fo binom so ahyɛ bɔ̀ dɛ wɔ̀beyɛ dem so.

Yennkotum aka dɛ dem asem a esi yi bema etsiafo no hɔ̀n enyim eguase anaa woenya fɛr. Hɔ̀n mu binom yɛ nyimpa bɔ̀nfo a wɔ̀akɔ̀ 'Twitter' akɔ̀ka dɛ dzaa ato Ahmadiyyafo no ye paa na iyi na nka ɔ̀wɔ̀ dɛ ɔ̀to hɔ̀n dada. Dza ɔ̀ye fɛr nye dɛ wɔ̀yɛ iyi wɔ̀ Nyankopɔ̀n na Ne Nkɔ̀mhyenyi hɔ̀n dzin mu!

'Na wɔ̀tsena ho' so kyere dɛ wɔ̀beyɛ nhyehyɛɛ tsentsen a wɔ̀ahyɛdaa ayɛ afa atsetsee ho. Iyi yɛ kasa mbrenyi a ɔ̀kyere dɛ wɔ̀bɔ̀kɔ̀ do ayɛ iyi mber tsentsen na hɔ̀n ntor, ndaadaa na atsetsee no bɔ̀kɔ̀do na ɔ̀bɔ̀kɔ̀do mber tsentsen a atamfo afofor so bɛba na wɔ̀abɔ̀toa hɔ̀n mbɔ̀dzenbɔ̀ nodo. Naaso mbrɛ ɔ̀tse biara no, iyi n'ewiei yi no Nyankopɔ̀n ahyehyɛ ato hɔ̀ na ɔ̀no nye dɛ wɔ̀behew hɔ̀n.

Hɔ̀n Nyamesom kandzifo no nyim dɛ wonnyi ngyinado biara tsia Anohoba Mesia (ANN) no, ne dem ntsi wɔ̀twa ntor na wɔ̀ka dzaa ɔ̀nnye nokwar na wɔ̀pɛ dɛ wɔ̀sɔ̀ gya ntsi no wɔ̀ma nyimpa dɔ̀m no nyinara dze hɔ̀nho hyɛ mu. ɔ̀to mber bi a wɔ̀sɔ̀ gya wɔ̀ enyiwado ma

hɔn nsa ka dzaa wɔrehwehwe na ɔtɔ ber bi so a hɔn nsa nnka. Wɔsan so dze ntor sɔ gya a ɔye etuatsew dze tsia Ahmadiyya wɔ beebiara. Wɔ Pakistanman mu no nsem a ɔnnye wɔkyerw nsem a ɔnnye nokwar tsia hɛn wɔ beebiara, aban n'adan ho na mpo asendzibea kese no (high court)! Wɔdze nsem a ɔnnye hɛn gyedzi nnyi nkitsahodzi biara na wɔdze bata hɛnho. Anohoba Mesia (ANN) no kaa de:

‘Mma hom nndwen de Nyankopɔn beyema hom ase. Hom nye aba a Nyankopɔn Noara dze ne nsa edua wɔ asaase no mu. Nyankopɔn aka de dem aba yi benyin na aye prɔnprɔn na ne mben benyin wɔ kwan biara do na ɔbeyɛ dua kese. Nyia ne tsir aye yie nye nyia ɔgye Nyankopɔn N’asem dzi na onnsuro nsɔhwe biara a ɔba n’akwan mu.

ɔnam Nyankopɔn N’adom do ntsi, dua a ɔye Jama’at yi beyin na aye prɔnprɔn na iyi ne siantsir ntsi hia ba de Jama’at yi mu mba bɔ afar. Na nkorɔfo a wɔsɔ gya ma ɔdar no dze, hɔn ara na wɔbehew wɔ gya no mu anaa so de Nyankopɔn besee hɔn wɔ kwan fofor do. ‘Mpaama nka amona mu nkorɔfo- ’ ye nkɔmhye bi a wɔahye ma wɔ Jama’at yi n’afa na ɔbɔkɔdo ahye ma. Naaso etsiafo no renngyae, wɔbɔkɔdo wɔ hɔn atsetsee na haw no mu naaso Ahmadiyya dua no so bɔkɔdo enyin. Nkye ɔwɔ de wonya esuahun bi fir mfe aha nye eduonu enum abakɔsem no na Jama’at ne mpuntu no mu de ɔnnye nyimpa ne nyee asem na ofi Nyankopɔn na se wɔbɔ mbɔdzen de wɔbɔtwe asan a ɔno na wɔretwetwe Nyankopɔn N’ebufuw. Wonnyim Kur’an Krɔnkrɔn no dem ara so na wonnyim asem biara Nkɔmhyenyi Krɔnkrɔn (NNN) aka a ɔye ngyina do ma hɔn.

Huzoor kaa de Anohoba Mesia (ANN) no n’ekyirdzifo hɔnho nsem a wɔaka dadaw no na nkorɔfo a wɔabegye nokwar no ato mu na wɔaye Bai’at a ɔnkyeree no hɔn nsem kyere de hɛn etsiafo hɔn mpanyimfo a wɔfre hɔnho Nyamesom mu kandzifo akyere hɔn ekyirdzifo no de mma wɔnnye Kadianfo no nnye Kur’an mu mpensempensem osiande wɔbekyere Yesu ne wu ne fapem efir mu, wɔbekyere Nkɔmhyenyi a otwa tow ne nkyerease efi mu na wɔbekyere Anohoba Mesia (ANN) no ne nokwardzi efi mu; ne dem ntsi mma hom nnye hɔn nndzi iyi nom ho nkɔmbɔ. Woehun no de wonnyi hwee se ɔba no adasedzi na nyansa mu a, na mbom ɔye asoɔdzen! Wɔdze hɔn nkyerekyere a onndzi mu no egyim nyimpa dɔm no. Dem gyinabew yi na ɔnam do ma Maulawi bi rekasa wɔ efir do na wɔammbɔ Ahmadiyyafo dzin na ɔwɔ de ɔka de wonya abotar no mbom ɔkaa de ɔwɔ de dɔm a wosuar no wɔ de wɔhwo hɔnho yie wɔ dɔm dodow no hɔn atsenka ho. Hɔn ara na wɔdzi bɔn a ɔtsetse dem, hɔn ara so nye atsembuafo na hɔn atsembua biara no nndzi mu. Wɔwɔ tum na amayese so taa hɔn ekyir na dze biara a wɔka no aban no gye to mu. Wonnyim dzaa hɔn ewiei yi no beye!

Nyankopɔn aka de: ‘nkorɔfo a wɔtsetsee egyedzifo mbanyin na mbasia na wonnya nuho no, ampa de hɔn asotwe nye Ogya amandzehu, na hɔn asotwe nye de wɔbehew.’ Ampa de Nyankopɔn aka de nkorɔfo a wɔbetsetsee egyedzifo na woetwa hɔnho ehyia no wɔdze hɔn bɔkɔ gya amandzehu no mu. Wɔsɔ gya wɔ enyiwado nye nsumaa mu de mbre ɔbeyɛ a wɔbetsetsee nokwar egyedzifo no wɔ kwan biara do! Ndansa yi dze wɔka gya gu gyinabew no mu wɔ ber a wɔreka de, Nyame mpa ngu, Ahmadiyyafo nnhu Nkɔmhyenyi Krɔnkrɔn (NNN) de ɔye kɔmhyenyi a oikitsa mbrasem a otwa tow anaa so de wɔyeyaa no. Dem asem ntwatodo a ɔtse dem yi ye yaa ma hɛn de yebegyina ano. NdeAhmadiyyafo dze hɔnho ahye mu dzendzenndzen de wɔbema Nkɔmhyenyi Krɔnkrɔn (NNN) ne bu na enyimnyam ngyinadopa wɔ wiadze yi mu tokor biara mu. Ahmadiyyafo nye nkorɔfo a wɔdzikan dze nyiano ba se obi tsia Nkɔmhyenyi Krɔnkrɔn (NNN) n’enyimnyam a. Ahmadiyyanyi botum agye wu ato mu naaso onnkotum agye ayeyaa ketsetse biara a ɔfa Nkɔmhyenyi Krɔnkrɔn (NNN) noho ato mu na iyi na Anohoba Mesia (ANN) no kyeree hɛn. Nyankopɔn nyim dzaa ɔwɔ hɛn akoma mu na dzaa hɛn ndzeyee so tse. ɔye biribi ntsi na atsetsee yi nyinara ekyir no ɔrema hɛn mpuntu mu mpuntu. Nyankopɔn se ɔnkkɔma

nkorofo a wohyew nyimpa , efie na nkorofo a woegyina mu de wobobo Ne Keseye nye Ne komhyenyi a okitsa mbrasem a otwa tow ne keseye ho dawur hon akoma no mmfa honho nndzi wober a asotwe biara mmba hon do. Ose Odze gya amandzehu no botwe hon aso gyede hon nya nuho na okaa de: ‘...ampa ara de asotwe a oye gya amandzehu woho ma hon, na asotwe a oye nhyew woho dze ma hon.’ De mbre wobo mbodzen de wobehyew nyimpa dua, efie na egyedzifo mbaa na mbanyin hon akoma, a oto mber bi a wotum ye na oto mber bi a wonntum nnye no, dem ara so na wobotwe hon aso. Hon asotwe no beye enyiwado dem ara so na oboye nsiemu; a oye gya na nhyewee.

Wodze ntor susu hen fa nyimpa a oda hen akoma do sen hen ara hen nkwa, wobo mbodzen de wobehye hen akoma ebufuw a oye gya naaso hon ara hon akoma do na ahooyaa gya wo de wuhu de Jama’at yi rotu mpon mpo wo hon atsetsee no nyinara ekyir. Hon bu efuw de ebenadze ntsi na Ahmadiyyanyi biara gyina pintsinn wo ne gyedzi do na Ahmadiyyanyi abofra, panyin; banyin anaa obaa nnsuro hon na wogyina hon atsetsee no ano wo akokodur mu na wonnyi suro biara!

Ahmadiyyafo a wowo Gujuranwala ye mfatoho wo 1974 basabasaye ber no na nde, bio mu no woetum etsintsim afarbo mfatoho fofor. Abofra a woedzi abosom esuon, abofra a woedzi mfe awotwe na obaa panyin dze hon nkwa boo afar na wotsintsim afarbo mfatoho fofor. Nokwar nye de nkwa a na afei na oreba wiadze yi mu na nka obohu wiadze yi mu wo abosom ebien ekyir anaa ne mboree so wosiisii no ma woentum aba wiadze yi mu ma ono so boo n’afar. Nyankopon aka akyere hen ofa no mbre osi a etsiafo no na hon a woso gya no hon ewiei no beye na wahye egyedzifo no dzen de: ‘Naaso hon a wobegye edzi na woye ndwuma pa no, hon dze trow a esutsen nam ase. Ono nye nkunyimdzi kese.’

Atamfo no sosoo gya na woboo gya noho ban! De mbre dawurbo nsenkyerewfo aka akyere hen no wototow abobaa bo nkorofo a wodumdum gya no na wosiw ayarsabeafo so kwan. Nyankopon aka de nkorofo a wofa dem ohaw na atsetsee yi mu no trow a owo ndua a nwin wo ase a esutsen nam ase a wobotum anom na wodze adwedwe honho mber biara a wope no ye hon dze. Atamfo no boo mbodzen de wobema gya ne hyew n’ano aye dzen naaso wo Sor aheman no mu no wobenya nwin. Atamfo boo mbodzen de wobema wosiw atram mbofra a wonnyim biribiara nye obaa a onntse apow ma woewu naaso Nyankopon aka de Obema hon gyinabew a no mu ye nwin a obema hon minim na hon honam dua no adwedwe ne ho aber nyinara.

Dem kyefa yi so wo nyiano dze ma kraataa bi a obaa bi kyerewee komaa Huzoor fi Germany onam dzaa esi yi na oyi nyiyi mu fi Anohoba Mesia (ANN) ne yikyere ahorow no mu: ‘Ma mmfa gya nhunahuna me, osiande gya ye m’akowa na ampa ara, oye nkowa mu akowa.’ (Tadhkira, p. 507 2009 edition). Mpo obaa yi annkyerew biribiara annka iyi ho naaso oye de dze orepere aka nye de ebenadze ntsi na iyi sii! Dza odzikan nye de yebema hen gyedzi no mu aye dzen. Kur’an kyefa no ma oda edzi de asem a otse dem no besi na yikyere noso wo nkyerease de onnye adze a yesuro gya. De mbre Kur’an no aka no, nkorofo no bodo gya na ampa de woboso, naaso ma otse biara no, onnye adze hon nsa botum aka botaa a otaa hon ndzeyee n’ekyir no. Hon botaa wo ha nye de wobema Ahmadiyyafo ayew efir Ahmadiyya ho. Wodze gya hunahuna Ahmadiyyafo, woso gya no! Naaso gyedzinyi mapa ne gyedzi sem onam dem nsem yi anaa? Nokwar a odzi mu nye de onnsi da. Dzaa esi no nye de wobre gya no adze ama hen wokyere nokwar gyedzinyi mpuntu akwan! Se yeahwer adze wo enyiwado onam dem gya yi a ono so aye edwuma tse de adze a oboa nkodo na ebuebue mpuntu akwan ahorow na woda Ahmadiyya edzi! Na mber pii no otamfo no nnya nkunyimdzi wo dzaa opede oye no mu. Se ewiei no kyere Sunsum mu mboa a ono na okyere de biribiara wo akwan ahorow; dza oda edzi na dza owo nsumaa mu. Nyankopon aka de odze

asotwe a ɔye gya amandzehu botwe hon a woso gya na wodze fangow ka dem gya noho naaso egyedzifo no a wohwer onam dem gya yi no benya Sor aheman a no mu ye nwin. Mbɔfra a wonnyim hwee a wodze hon nkwa abo afar no woye Sor aheman no mu mba wo kwan biara do naaso hon afarbo no ama wɔabeye Nyankopon Ne dofo na Wɔafa hon wo Ne do mu. Anohoba Mesia (ANN) ne yikyere no annka de gya ye nsenkyeredze dze ma Ahmadiyyafo anaa de ɔye asotwe dze ma nkorɔfo, nsenkyeredze a ɔtse dem biara nnyi ho dem. Botaa nye de onnyi de yesuro gya. Iyi ahye ma wo enyiwa do na wo nsumaa mu; ɔto mber bi a wodum gya no na ɔto ber bi a yehwer. Yehu no wo Nkomhyenyi Kronkron (NNN) ne pen do de asotwe a na wɔahyehye ama hon nye ko na wosee hon wo iyi ntsi na onam iyi do na womaa hon tum ye mberew. Naaso, mber a Nyankopon hyehyee wu dze ma dzebonyefo na wɔhyehyee Ogya amandzehu dze maa hon no, wɔkaa fa Muslimfo hon ewufu honho de mma hom ndwen de woewu, osiande wotse ase na wonya mfaso fi ndzinoa fofor ho da nyinara fi Nyankopon ho. Hen nkorɔfo a woekum hon Nyame ntsi no so wo Nyankopon N'aheman no mu.

Ebeka ne de iyi nye dza odzikan wo Ahmadiyya abakosem mu a afarbo a ɔtse dem yi ye mbaa nko. Se ɔye Nyankopon Nepe a (Insha Allah) dem nkorɔfo a hon tsir mu kan hon afarbo no nnkoye gyan. Huzoor maa ɔda edzi de nkorɔfo yi hwer hon nkwa onam wosiw a wotwee kor hon mu ntsi na obiara nnyi ho a gya no dze naaso etsiafo no kor do hyew dza na onnye hon pe de wɔbesee, dza oka ho nye fie ndzembra na dza ɔboa ma gya daw! Nkorɔfo a wokum hon nye Bushra Begum Sahib, Munir Ahmad Sahib a woefi mu ne yer, Hira Tabassum na Kainat Tabassum, Muhammad Buta Sahib ne mba. ɔwo mu de obiara atse dza esi yi osiande wɔabo ho dawur yi naaso Huzoor bo no tɔfa.

Wo Ayewoho bosom ne da otsia eduonu esuon wo afe yi mu no Ahmadiyya etsiafo no tuu hyee Ahmadiyyafo hon efie do wo Kachi-Pump, Arafat Colony, Gujranwala na wodze gya too efie no mu a onam do ma Bushra Begum Sahiba a woedzi mfe eduonum enum, Hira Tabassum a woedzi mfe esia na Kainat Tabassum a woedzi abosom awotwe hwerr hon nkwa. Inna lillaahi wa inna ilaihi raaji'oon. Wo da wotuu hyee hon do no, ɔbaa panyin a owui no ne mba kor a wofre no Muhammad Ahmadi Sahib kor ayarsabea a ɔben hon de ɔrekope edur mber a wɔkaa hon ano no. Ohunn nua Waqas Ahmad de nkorɔfo bi dzedze no mu. Mber a obisaa de eben asem esi no wɔhyee ase de wodze kasafi reyeyaa no na wotwa ntor de Ahmadiyyanyi babun bi, Nyame mpa ngu, ammfu bu amma Khana Ka'ba no wo 'Facebook' do. Wɔkaa kyeree hon de Ahmadiyyafo nnkotum adwen adze a ɔtse dem yi ho. ɔda edzi pefee de ɔye nhyehyee a woyee osiande ntsempa noara na wɔhyee ase de wɔrebor hon na wodze ɔdambu a apaapae twetwaa hon. Wohun mber osi a no mu aye dzen no Muhammad Ahmad free ne nua banyin Muhammad Buta Khan na ne wɔfa Fazal Ahmad wo ahomatserfo do na ɔsere hon de hon mbra. Wɔbo mbɔden de wobesiesie asem no, asem nodo twae dze ma wɔbaa fie naaso wodze ɔdambu piraa Fazl Ahmad. Annkyer biara na datser a asem a ɔtse dem yi sii wo ne ayarsabea enyim no free Muhammad Buta wo ahomatserfo do de nkorɔfo reboaboa honho ano na woyee krado etuu ahye hon do. Adzetɔnfo kuw so bo dawur de obiara ntow ne fiadze mu na hon mboa anon a obi a wɔannye dem no ye ma ɔnoara noho. Iyi kyere de ɔye nhyehyee a wɔhyedaa yee.

Na Ahmadiyya ebusua fie beyee duawotwe na ɔwo mpatamu ho, mber a wotsee ɔhaw yi no, ebusuafo duenum fir ho. Mber ɔtse biara no Muhammad Buta, Fazal Ahmad hon ebusuafo na ebusua ebien a woyee Muhammad Ashraf Sahib, Sadr Jama'at na ne nua banyin hon ebusuafo dze na wow fie. Beyee ndonwotwe apa mu no etsiafo no tuu hyee hon do na wɔhye ase de wɔrekeka etsuatsew huendzin na wɔhyee ase de wɔretow tu so. Wɔhyee ase de wɔrebubu dan n'abow kese. Polisfo abo dawur a onnye nokwar de afa ebien nyinara no na

woretow tu, Jama'at yi mu mba no anntow tu na mbom etsiafo no pe na wotowee. Wotuu hyee hon do fi akwan ahorow do. Shiafo tsetse mpatamu ho, owo mu de Shiafo no abo amandze pii naaso hon ara so na woka ho bi! Mber a Sadr Sahib koboo polisfo amandze no, panyin a owo ho no kaa kyeree node na owo ho bi na oboko akokyer hon na woebisibisa hon nsem, wober a nokwar nye de woenndzi dem dwuma a otse dem yi. Etuatsewfo no san tuu hyee hon do bio mu, na wokitsa abodo (hammer) na gya ho ndzembra, nyimpa dom pii twaa ho hyiae. Wobubuu enyinar kandzea efi na wotwitwa n'ahoma mu. Onam mbre osi a n'ano yedzen no ntsi Sadr Sahib na ne nua banyin hon ebusua pee sumabea wo obi a otse ben hon a onnye Ahmadiyyanyi na odzi noho nyi ne fie ne sor. Buta Khan na Fazal Ahmad koo dan a owo hon fie ne sor na wosie honho woho. Etuatsewfo no wuraa fir no mu no wokoo dan a mbaa na mbofra dubiako wo mu na wotow mu no. Woboo mbodzen de wobobu abow no na woenntum no wosiw abow n'ano de mbre obeye a wonnkotum ebue efi ekyir na wopae dem dan no ne ntokura kor n'ahwehwe. Woboaboa ndzembra ahorow ano na wodze gya too mu wo ntokura n'ase pee. Wosiw hon a otse dem no faa ntokura no mu na abow n'ase hyee dan no mu ma. Nyimpa bonfo a wotse dem yi dze hon nsa nye hon a wogu dan no mu no dzii nkra wo ber a na woridzi honho few. Onam wosiw a wotwe kor hon mu ntsi Bushra Begum na ne nanaanom ebien, Hira na Kainat, wokum hon Nyame ntsi.

Nyimpa bonfo yi hon enyi ber ara ma woentsie ayarsabeafo hon hen na gyadumfo ma woenntum aba ho. Wokor do ara hyew efie yi na wosawee wo ber a na polis fo gyina ho rehwe hon komm a wonnye hwee na wammbo mbodzen wo kwan biara do de wobema nkorofu yi egyaa dzaa woreye no. Dawurbofu hyee ase de woritwa na Punjab Mantem suafo panyin Shahabaz Sharif Sahib hyee ase de okyerew mber a etuatsewfo no edzi hon dwuma ewie no.

Onam obaa Bushra Begum Sahiba a woekum ne nana banyin nodo a ogyee Ahmadiyya too mu wo Khalifa a otsia ebien ne pen do na Ahmadiyya ba hon ebusua ne mu. Owaree wo 1976 na ne kun ewu abosom esia a etwa mu kor no. Nkorofu ebien a wokum hon kaa noho no ye ne nanaanom mbaa. Onam Nyankopon N'adom do ntsi na oye n'asor pepepe na oye Tahajjud so. Na otaa kan Kur'an na owo anyenkofa suban, odo na ahohosom. Na owo subanpa na aber nyinara no na woye krado de obosom Jama'at no ber biara Jama'at hia de woyee biribi no. Mber a wokum no no na ohyee sika kokoo nkawa na asomadze so, na owo sika so wo noho, beka node na odwen de hia beba de wobefir ho. Aber woye ne honam mu nhwehwe mu wie no etsiafo no wiaa n'gudze no. Da ansaana worikum hon no oye Iftar ma nkorofu a wotse ne mpatamu ho no na abofra Hira a woekum no na odze Iftar no ma mpatamu ho fo no! Muhammad Buta wo bea a oye edwuma na Fazal Ahmad so wo edwuma a odzi mu, iyi ye adzebea a oye enyitan dze ma nkorofu.

Amir Sahib Gujranwala akyerew de ebusua mu no nyinara dzi honho nyi na woye nokwarfo so na halqa no a woyee no wo mpatamu ho no woyee no hon ntsi. Woyee bea a woye asor so woho. Na wodzikan wo ebupen ne ntua mu na mber nyinara no na woye krado de wobosom wo kwan biara do. Bushra Sahiba gyaa ekyir mba banyin ebiasa na mbaa ebien, wo ber a enuanom ebien a wokum hon no so gyaa ekyir hon na na hon egya, hon nua banyin a woedze mfe enum na obaa a woedzi mfe ebiasa.

Amir Sahib Gujranwala kor do kyereewe de Ayewoho bosom ne da otodo eduonu esuon n'enwimber no nyimpa dom beyee aha anan anaa aha enum tuu hyee Ahmadiyyafo hon efiefie do. Etuatsewfo no kaa de onam mfonyin hon bi a Ahmadiyyanyi babun Aqib Saleem Sahib dze koguu 'facebook', iyi nnyi ngyinado biara. Wodze iyi hyee ase na iyi nkorofu no a wokum hon no hon fi ho a whyew adan esia na wosee no koraa. Wosan so kosee nkorofu a adze ato hon enyiwa no hon efia adze so na wodze no mu ndzembra koree.

Nkorɔfo a wopiraa no hɔn mu bi nye Muhammad Buta ne nua banyin Fazal Ahmad ne yer Humaira Sahiba, ne ba baa a woedzi mfe ebiasa a ɔye Waaqifa e Nau, abofra banyin a woedzi mfe kor na abofra a woedzi bosom na Muhammad Buta ne nua baa Mubashra Jarri, Jarri Ullah Sahib ne yer a na ɔrekɔ akɔsera ne maame na wɔasan so awo. Na ɔnyem abosom esuon na ne yinsen no sɛe ɔnam wosiw a ɔtwee kɔr no mu no ntsi. Wɔdze no kɔr Rabwah ma ɔwo Tahir Heart Institute a ne nnhyedaa ntɔ no, woenya ahomgye ho nsɔhwɛ ɔnam wosiw a ɔtwee kɔr no mu no ntsi.

Ebinom so a woka ho nye Muneeb Lodhi Sahib a woedzi mfe eduasa ebiasa, etuatsewfo no na wopira no na wobuu n'adadaw ma ne se ebien tue na wotwaa n'aso so, seisiara dze wogudu a wɔrehwɛ no. Khalil Ahmad Sahib so piraa ɔnam bɔdambo a wɔdze bɔ no, mber a Muhammad Anwer Sahib tsee etuatsew no ɔyɛ no ntsem kɔr hɔ de ɔrekɔgye ne nua baa na mber a odur hɔ no na dɔm no nyinara kɔ ne dem ntsi ɔboa ma woyiyii nkorɔfo a woepira no ma ɔnam do pirae. Butta Sahib ne yer Ruqaiyya Begum na ne mba ebien so brɛ ɔnam wosiw a wɔtwee kɔr hɔn mu ntsi ma wɔtse apɔw.

Na Ahmadiyyafo hɔn efie duawɔtwe na ɔwo hɔ na hɔn mu pii no benben, sesiara dze wɔwo Rabwah. Etuatsewfo no hyew adan esia dwɛɛ, wɔhwɛhwɛ na wɔsɛ adan ebien na wɔhyew no mu ndzɛmba. Wɔsɛ na wɔhyew Ahmadiyyafo enum hɔn efiaɔze na wɔhyew Kur'an Krɔkrɔn no na Jama'at mbuukuu ahorow a ɔwo bea a wɔyɛ asɔr no na wɔsɛ hɔ so.

Iyi nye hɔn atseetsee na hɔn tan no ne ho asem. Nyankopɔn aka de sɛ woennya nuho na wɔatwe hɔnho emmfɔ ho a ɔno asotwe a ɔye gya amandzehu na ahyehyew ahyehyew na ɔye ɔye hɔn dze. Ketseankye Nyankopɔn dze asotwe beba hɔn a wonngyi nndzi hɔn kandzifo hɔn do na hɔn a wɔdzi enyim daadaa amanfo no!

Nyankopɔn mpagya nkorɔfo a woekum hɔn yi hɔn gyinabew wɔ kwan biara do, ketseankye ɔbɛma hɔn a adze atɔ hɔn enyi no pintsinn gyina na abotar, tsitsir hɔn a wɔahwer hɔn mba baa na hɔn nuanom mbaa hɔn tsir mu faa. Ketseankye Nyankopɔn bɛma hɔn a woepira no ayarsa a odzi mu na ketseankye ɔbɛma hɔn sikasɛm a asɛe no aye yie na abor dza na wɔwo dadaa no.

Huzoor kaa to gua de obedzi enyim na wɔaye funsie sɔr dze ama fun a onnyi hɔ wɔ Fida asɔr no ekyir.

- Translated by: 1. Mr. Alhassan Kobina Atta-Wenchie  
(Tutor in English Language, Jamiatul Mubashireen, Ghana)  
2. Maulvi Alhassan Bashir Annan Sahib  
(Tutor, Jamiatul Mubashireen, Ghana)  
3. Rasheed Possible Essuman Sahib  
(Second Year Student, Jamiatul Mubashireen, Ghana)  
4. Hafiz Naseem Ahmad Nyame Sahib  
(Composer, First Year Student, Jamiatul Mubashireen, Ghana)

Downloaded from: [www.jamiatulmubashireen.org](http://www.jamiatulmubashireen.org)  
Contact: [www.jamiatulmubashireen.org/contact-us](http://www.jamiatulmubashireen.org/contact-us)